

REGLUGERÐ KSÍ

um menntun knattspyrnuþjálfara

1.gr. Almenn ákvæði

- 1.1. Allir þjálfarar skulu hafa fullnægjandi og viðeigandi menntun til þeirra þjálfarastarfa sem þeir vinna.
- 1.2. Skilgreining á hlutverki aðalþjálfara: Aðalþjálfari skipuleggur og stjórnar æfingum flokksins sem hann þjálfar og er viðstaddur leiki liðsins. Hann er ábyrgur fyrir knattspyrnulegri stjórnun flokksins og ber faglega ábyrgð á starfi og árangri hans.
- 1.3. Skilgreining á hlutverki yfirþjálfari: Yfirþjálfari hefur yfirumsjón með yngri flokka starfi og þjálfurum yngri flokka félagsins. Hann er ábyrgur fyrir knattspyrnulegri stjórnun yngri flokka og ber faglega ábyrgð á þjálfun barna og unglinga hjá sínu félagi.
- 1.4. Lágmarks aldur þjálfara sem hefja nám á námskeiðum KSÍ skal vera 16. aldursár.
- 1.5. Þjálfarar sem sækja um inngöngu á KSÍ A 2 þjálfaranámskeið þurfa að uppfylla eftirfarandi skilyrði:
 - Hafa gilda KSÍ B þjálfaragráðu.
 - Þjálfari í a.m.k. eitt ár í 3. flokki eða eldri eftir að hafa útskrifast með KSÍ B þjálfararéttindi.
 - Skulu vera aðalþjálfarar í 3. flokki eða aðalþjálfarar/aðstoðarþjálfarar í 2. flokki eða meistaraflokki á meðan náminu stendur.

Umsækjendur sem uppfylla skilyrðin hér að ofan og hafa leikið a.m.k. 10 A-landsleiki, fá sjálfkrafa sæti á KSÍ A 2 þjálfaranámskeiðinu.

Ef velja þarf á milli jafn sterkra umsókna frá tveimur eða fleiri einstaklingum þá gengur umsókn einstaklings framur sem er af því kyni sem á fæsta fulltrúa í hópi menntaðra þjálfara á skrá hjá KSÍ.

2.gr. Menntunarkröfur

- 2.1. Félög skulu gera kröfur til þjálfara sinna um menntun samkvæmt eftirfarandi:

Þjálfun	Aðalþjálfari	Aðstoðarþjálfari	Markmannsþjálfari
Efsta deild karla og efsta deild kvenna	KSÍ Pro gráða	KSÍ A gráða	KSÍ B Markmannsþjálfaragráða
1. deild karla, 2. deild karla og 1. deild kvenna	KSÍ A gráða	KSÍ B gráða og KSÍ A 1 námskeið að auki	KSÍ B Markmannsþjálfaragráða
3. deild karla, 4. deild karla, 2. deild kvenna og 2. flokkur	KSÍ B gráða og KSÍ A 1 námskeið að auki	KSÍ B gráða	KSÍ B Markmannsþjálfaragráða
Yfirþjálfari yngri flokka	KSÍ Afreksþjálfun unglinga		
3. og 4. flokkur	KSÍ B gráða og KSÍ A 1 námskeið að auki	KSÍ C gráða	KSÍ B Markmannsþjálfaragráða
Yfirþjálfari í 5., 6., 7. og 8. flokki	KSÍ B gráða		
5. 6. 7. og 8. flokkur og flokkar þar sem eingöngu er keppni í 8 eða 5 manna liðum	KSÍ B gráða	KSÍ C gráða	KSÍ Grunnnámskeið í markmannsþjálfun

3.gr.

Mat á þjálfaragráðum

- 3.1. KSÍ er aðili að þjálfarasáttmála UEFA og metur því UEFA Pro, UEFA A, UEFA Elite Youth A, UEFA Goalkeeper A, UEFA B og UEFA C þjálfaragráður frá öllum löndum Evrópu til jafns við KSÍ Pro, KSÍ A, KSÍ Afreksþjálfun Unglinga, KSÍ A Markmannsþjálfun, KSÍ B og KSÍ C gráðurnar.

4.gr.

Endurmenntun

- 4.1. Þjálfarar með KSÍ Pro, KSÍ A, KSÍ Afreksþjálfun Unglinga, KSÍ A Markmannsþjálfun og KSÍ B þjálfaragráður þurfa að sækja sér endurmenntun, lágmark 15 tíma á 3 ára fresti til að viðhalda réttindunum sínum og skila inn staðfestingu því til sönnunar til fræðslustjóra KSÍ.
- 4.2. Fræðslunefnd KSÍ ákvarðar hvað telst gild endurmenntun til endurnýjunar á þjálfararéttindunum.

5.gr.

Mat réttinda

- 5.1. Fræðslunefnd KSÍ metur hvaða réttindi nám/námskeið á Íslandi og erlendis veita og hvaða réttindi þjálfarar sem sótt hafa þjálfaranám erlendis hafa til þjálfunar á Íslandi.

6.gr.

Undanþágur

- 6.1. Fræðslunefnd KSÍ er heimilt að veita undanþágu frá ákvæðum í reglugerð þessari ef veigamiklar og sérstakar ástæður liggja að baki. Slíkar undanþágur skal þó alltaf bera undir stjórn KSÍ til samþykktar.

7.gr.

Gildistaka

- 7.1. Reglugerð þessi er sett með stoð í 20. grein laga KSÍ.

Samþykkt af stjórn KSÍ 19. maí 2025